

LECTOREM.

So ist auch Themistocles in seiner Ju-  
gend ein solcher frecher vnd mutwilliger  
Bube gewesen / daß jhn sein Vater von  
sich geschlagen / vnd vmb seines vnzüchtig-  
gen vnd schändlichen Lebens willen sich  
selbst erhenget hat / noch ist er durch gute  
Lehre vnd disciplin dahin kommen / daß  
er vnter allen Griechen der berühmteste  
gehalten ward / vnd ganz Asiam vnd Eu-  
ropam beherrschete / auch die Stadt Athen  
lange zeit vor ihen gewaltigsten Fein-  
den beschirmet hat.

Was krafft vnd gute Lehr vnd Institu-  
tion habe / hat der Spartaner Lycurgus  
mit einem exempli zweyer Hunde für die  
Augen gestellet vnd bewiesen / Den als er  
die Bürger zu Sparta von ihen groben  
sitten gerne zu besserer vnd geschickter art  
zu leben gebracht hette / darzu sie gar vn-  
willig waren / wie man den nit gerne von  
alter gewonheit / sie sey gut oder böß / abste-  
het / hat er 2. Hunde / einer geburt vnd al-  
ters erzogē / den einen zur Jagt gebraucht /  
c ij den